

Мал үвлзүүлгэнд сән белдвр

Яшкульск района „Гашунский„ гидг совхоз (совхозин директорнь ұр Дровалов, ах зоотехникнь ұр Говоров) мал үвлзүүлгәнә белдвриг ик шумгъа кевәр кедж йовна. Эн кōдлмшиг цаглань кўцәхин кергт совхозин цуг фермсәр тодрха зура кедж, тер зурагъан цаглань куцәхин тōлә ноолддж йовцхана.

Эклцин партийн организацин болн дирекцин зааврәр селәнә эдл-ахун цуг машис болн кōдлмшчир өвс хадлгъна, силос белдлгәнә, дакад мал үвлзх хаша-хаацсиг тосхх болн ясх кōдлмшт 120 кўн кōдлдж йовцхана.

12900 гектар газрт өвс хадх бәәсмн, терүнәс 12000 гектар газрин өвс хадад хурачкен бәәнә. 1957—1958 джилин үвлд совхоз 11188 тонн өвс болн 3000 тонн силос беллхмн. Нидяк хадсн өвснәс 4200 тонн өвсн үлдсн бәәнә. Тегәд энджл хадсн өвснә болхла 4000 тонн болджана. Дакад

непр кедж 6000 тонн өвс хадхин тōлә шундж йовцхана. Тнигхлә совхозин цуг фермсәр 14200 тонн өвсн белн болх зōвтә. Эн өвсн малд элвгәр кўрх зōвтә.

Ода хадсн өвснәс 50 проценти мал-агъурсн үвлзх газрур зōөгъад хурачкен белн. Ода кōк хулс болн гаулан гидг тәрмр өвс хаддж, 200 тонн сән шимтә силос белддж авсн бәәнә.

4-ч болн 3-ч номертә фермсин гардачир ұр Кокуев болн ұр Полянский эн кōдлмшиг үзмджтәгъәр кедж йовцхана. Малин хот-хол белди йовдж, 25 кошарас 12 ясгдсн, хōчир бәәх 34 гермүдәс 14-нә ясгдсн бәәнә. Дакад шин ирсн хальмгуд бийсдән бас гермүд бәрдж авчацхана.

Эн хамг кōдлмшт совхозин специалистир, партийн болн комсомольск организацс йир сәәнар дōнә-нōкд болдж йовцхана.

Б. Болдырев.